

Kees Rade embahador di Desaroyo Sostenibel na Hulanda:

“Mundialmente Aruba ta un ehempel inspirativo”

ORANJESTAD- Riba e dos dia di Green Conference Aruba a firma un MoU pa crea na Aruba un Center of Excellence. Di parti di Nacionnan Uni ‘UNDP’ a firma Richard Blewitt, Kees Rade embahador di Desaroyo Sostenibel di Ministerio di Asuntonan Exterior di Hulanda a firma den nomber di Reino Hulandes y Prome Minister di Aruba Mike Eman a firma pa Aruba.

E centro aki ta enfoca den yuda islanan SIDS (Small Island Development States) cu e problemanan cu nan ta confronta y sostene nan den nan desaroyo sostenibel. Despues di a firma Kees Rade a splica kico e Center of Excellence ta encera. “E centro ta un cooperacion entre e tres entidadnan cu a firma e MoU. E Center of Excellence na Aruba ta pa comparti conocimiento y experiencia di e islanan (SIDS) cu ta wordo confronta cu problemanan natural hopi specifico manera aumento di e nivel di lama

door di cambio di clima – cu tin un impacto enorme riba e islanan. E islanan por siña di otro”. Rade a bisa cu e no por keda sin menciona e modelo extraordinario cu Aruba tin pa por medio di energia renoba haya un economia berde. “Esaki ta algo cu ta hala atencion y mundialmente Aruba ta un ehempel inspirativo. Esey ta motibo cu nos a dicidi pa lanta e centro di excelencia aki na Aruba.” Banda di gobierno di Aruba y UNDP tin TNO cu tambe ta bay hunga un papel importante den maneho di e centro di excelencia. Mescos Universidad di Aruba ta bay ta envolvi den e proyecto. “Universidad ta bay crea un plataforma digital di conocimiento.” Kees Rade, kende no mucho tempo pasa tabata embahador na Brazil, a bisa cu e oficina di e centro ta bay ta den e edificio ‘Center for Innovation dr. Edward Cheung’ unda un dia prome a hisa e bandera di

Nacionnan Uni. “E ‘Center of Excellence’ ta bay tin un aspecto fisico ya cu algun bes pa aña expertonan di islanan

na hendenan di Fiji, Marshall islands y otro islanan Caribense nan por tuma e proyectonan aki como ehempel y



SIDS ta bin Aruba pa wordo prepara pa profesionalnan di TNO na Aruba. Esunnan cu ta bin aki ta mira proyectonan sostenibel, manera e lugan di parkeer na aeropuerto cu panelnan solar y e facilidadnan di ‘waste to energy’ y e ‘deep sea cooling’. Bunita ta cu si duna un curso na Aruba

haci mescos nan isla.” Rade a splica cu UN a scoge Aruba pasobra cu e isla ya caba ta hopi avansa cu proyectonan sostenibel. Vision 2020 ta un meta masha ambicioso di Prome Minister, pero por constata cu e avancen ta bayendo lihe. “E reto grandi ta e ultimo parti pa bira 100%

sostenibel.”

Rade a splica cu e gastonan di e Center of Excellence ta wordo financia e prome dos añanan door di Hulanda. Esaki den forma di un donacion den un fondo di UNDP cu ta manda e placa pa e centro. Aruba su parti den esaki ta ofrece un luga y pone hende disponibel pa traha den e centro.

Rade no por a keda sin comenta riba e expresion di Prome Minister Eman durante su discurso di apertura. Eman a menciona cu energia humano ta e energia mas importante cu tin na mundo. “Mi a haya esaki un expresion bunita y realistico. Claro cu e tin rason. Bo por bin cu tur sorto di invento y proceso, pero sin e energia ey, nada ta logra ni bira duradero. Energia humano ta e base di tur cos.”

Na final Rade a enfatisa cu cambio di clima ta riparabel den e islanan chikito, e menasa di e nivel di lama cu ta subi t’ey, e yobidanan fuerte tambe y nos tur hunto mes- ter pone un stop na esaki y lihe. □